

皇宋通鑑長編紀事本末

皇宋通鑑長編紀事本末卷第二十二

真宗皇帝

种放出處

淳化三年八月詔徵終南隱士种放辭以疾不至放七歲能屬文沈默高潔與其母偕隱豹林谷中以講習爲業學者多從之得未脩以養母母亦樂道素滋味喜辟穀會陝西轉運使宋維翰言放才行詔使徵之其母恚曰常勸汝勿聚徒講學身既隱矣何用文爲果爲人知不得去處我將棄汝深入窮山矣放遂稱疾不起其母盡取筆硯焚之與放轉居窮僻人迹罕至上喜其高節詔京兆府歲時存問以錢三萬貫賜之不奪其志

談苑載放事與國史不同今從國史

咸平元年九月翰林谷隱士种放母死貧不克塋遣僅奴告於翰林學士宋湜等湜與錢若水王禹偁同上言放先帝嘗加召命今無以塋母欲行私親是掠朝廷之美也士中賜放束帛給錢四年三月兵部尚書張齊賢上言終南山處士种放守道遺榮孝行純至棲遲衡泌僅二十年願以脩賢良方正之舉乃賜放詔及裝錢五萬令京兆府遣官詣山脩禮發遣放辭疾不至四年七月丙辰遣使賁詔書就終南山召种放赴闕仍賜絹百疋錢十萬先是判永興軍張齊賢俊條上放操行請加旌賞且言臣前在中書親奉先帝德音欲行不次之澤緣未知本末不敢奏

奏今茲出守始熟其為人政也 九月戊子种放以幅巾
入見於崇政殿命坐與語詢以民政邊事放曰明王之治
愛民而已惟徐而化之餘皆謀環不對即日授左司諫直
昭文館賜冠帶袍笏館於都亭驛太官供膳上謂宰臣曰
放亦有就祿任意且言迹孤朕諭以族外班列必見朝廷
清肅排擯之事無敢爲者嘗一人可以勸天下矣己酉放
表辭恩命上令宰臣召問之又知放與同知樞密院陳充
交游偕令諭旨且曰朕求茂異以廣視聽資治道如放終
未衆任亦可遂其請也放至中書爲宰臣言上虛懷待士
所食憂民如此放固不敢以竊來爲念宰臣以聞詔遂不
許其策居數日復召見賜緋衣象笏帶銀魚及御製五

言許又賜昭慶坊第一區加帷帳什物銀器五百兩錢三十萬中謝日賜酒食於學士院光寵之盛前所未見也六年三月癸卯左司諫直昭文館种放再表乞暫歸故山詔許之丙午特授起居舍人將行宴餞於龍圖閣又詔三館秘閣官宴餞於瓊林苑上賜七言詩三章在坐皆賦十月上遣使就終南山撫問放圖其林泉居處以獻已未召近臣觀之翌日又遣使優詔促其入覲放以疾未平爲請許之景德元年正月癸巳遣中使賜种放茶藥十月壬午起居舍人直昭文館种放自終南山來朝上言歸山之久請計月不受俸特給之二年四月戊戌車龍園閣近臣畢集起居舍人直昭文館种放與馬閑太宗御

書又觀諸閤圖書 五月以放爲右諫議大夫放謝病乞
游嵩山詔許之仍命河南司臣常加存撫召對賜宴賦詩
錢行思禮甚厚 乙卯年未達中使齎詔無問种放於終
南山 十二月甲午放自嵩山來朝對於龍圖閣 三年
四月放有兄喪賜告歸終南山宴於龍圖閣上作詩賜放
侍臣皆賦放每至京師秦雍學徒多就而受業上面獎之
放頓首謝 八月种放既歸終南教授山中表求太宗御
書及經史音疏詔悉與之因謂輔臣曰近中使還言放居
草屋食野菜藟麥而已如此淡薄亦人所難能也 四年
十月甲辰右諫議大夫种放便自終南山來朝召之也上
謂輔臣曰放比高尚其事每詢放多有可採朝廷雖加爵

秩而未能大用卽物議未厭因令陳亮史諭意且曰朕慮
放卷而懷之能副朝旨誠爲美也既而亮史言放云自被
聘召及還疎者無所補報其幸已甚今主上聖明朝無闕
政若更處之顯位則重增其過矣亮史復手筆訊之放答
疏如前上乃遣內侍賁詔賜放畧曰卿宜體茲眷遇整乃
誠明叙經國之大猷述致君之遠畧盡形奏牘以沃朕心
副涼德之倚毗塞外朝之觀聽乃司樞務式洽至公放上
表固讓上曰是能守分益可嘉也

大中祥符二年四月給事中判集賢院种放得告歸終南
山是日召見宴餞於龍圖閣上作詩賜放命羣臣皆賦且
製序杜鎬辭以素不屬文詔令引名臣歸山故事鎬固誦

北山移文其意蓋譏放也明日上出尾迴已下詩序示王
旦等因題品之以迴詩及楊億王曾序爲優詔令別自繕
寫送放時諭榮之三年正月放歸終南山有使來自秦
雍者放答陳克臾詩五章以聞上嘉之謂宰相曰放隱居
力學嘗言古今殊時不當背時效古此最近於理乃詔放
赴闕放表乞賜告上許之詔答云倘再召勿復辭也又作
歌以賜并寄衣服器幣令京兆府每季遣幕職就山存問
放爲弟汝求官即授秘書正字四年正月給事中种放
自終南山來朝二月上躬祀汾陰后土三司車駕西還
至西京令京兆府禁民採种放莊園四月甲辰朔車駕
至汾陰甲寅給事中种放還終南山賜宴賦詩如前例

十一月工部侍郎种放集至闕下俄復還山人有胎書朔
其出處之迹且勸以亟辭祿仕居巖谷放不答放終身不
娶尤惡覓雜故京城賜第為擇僻處然祿賜既優晚間頗
飾輿服於長安廣置良田歲利甚博亦有强市者遂致爭
訟門人族屬依倚恣橫王嗣宗之出守長安始甚敬放放
被酒稍倨嗣宗怒以語璣放放曰吾不猶愈乎用力而中
第者乎初嗣宗就試講武殿嘗因戲口擢首科放放及之
嗣宗愧憾因上疏言所部蕞井之家侵漁氓民凌暴孤寡
凡十餘族而放為之首且述放弟姪無賴據林麓獵採周
回二百餘里奪編氓厚利願以臣疏下放而賜放終南田
百畝徙放嵩山疏辭極其詆詆目放為魑魅且要遣人責

放不法上方侍放厚詔工部侍郎施護推究會赦恩而止
於是放自己徙居嵩山天封觀側詔遣內侍就與唐觀側
起第賜之假踰百日續給其俸然猶往來終南按視田畝
每行必給驛乘在道武親詣驛使視美粮具之數時議侵
薄焉 八年十一月河南府言工部侍郎种放卒上甚嗟
悼親制文遣內侍致祭護喪歸終南山贈工部尚書錄其
姪世雍放言事甚衆但外庭不知耳因出所上時議十三
篇其目議道議德議用議器議文武議制度議教化議賞
罰議官司議軍國議獄訟議征賦議邪正將卒忽取前後
章疏彙悉焚之服道士衣召諸生會飲與訣酒數行而卒

楊億進退

咸平四年三月辛卯以禮部郎中薛映兵部員外郎梁鼎
左司諫楊億並知制誥上初欲用著作佐郎梅詢命書
就試映鼎及詢等宰相李沆素不喜詢言於上曰梅詢險
薄用之恐不協羣議上曰如此則何人可沆曰楊億有盛
名上乃驚喜曰幾忘此人乃以億望賓素著但召映鼎就
試翌日與億並命十二月奏疏議秦蠶武其略曰今蠶
武之存爲害甚於蝮蛇供饋之費爲蠶過於蟻壤無鴻毛
之益有泰山之損豈可思遠大之畧信悠悠之說景德
二年九月丁卯令資政殿學士王欽若知制誥楊億修歷
代君臣事迹三年五月有五大冲者初以專經中第罷
直黃主簿赴選調命爲流內銓主事權授大理評事時知

制誥楊億知通進銀臺司兼門下封駁事即封還誥書以爲丞史之賤不宜任清官不聽既而大中居職累歲無所裨贊丁未遷舊官院墜榜外州四年欽若爲人傾巧同僚皆嫉之億在館中欽若或繼至必避出宅所亦然欽若出知杭州舉朝皆有詩獨億不作欽若辭日具奏詔諭億令作詩竟遽延不送大中祥符二年正月御史中丞王嗣宗言翰林學士楊億知制誥錢惟演秘閣校理劉筠唱和畫曲詩述前代掖庭事詞涉浮靡上曰詞臣學者宗師也安可不戒其流宕乃下詔風厲學者三年二月庚戌命翰林學士昆迥楊億等與太常禮院詳定祀汾陰儀注五年九月癸巳翰林學士楊億以疾賜告遣中使扶太

醫藥之科章爲謝上作二韵詩紙尾有副子側席待名
賢之句尋以久疾求解近職優詔不許但權免朝直億剛
介寡合在書局唯與李維路振刁衍陳越劉筠輩善當時
文士咸賴其品題或被取議者退多怨誹王欽若驟貴億
素薄其爲人欽若却之陳彭年方以文吏售進忌億名出
己右相與毀訾於上上素重億未始聽也 六年六月翰林
學士戶部郎中知制誥楊億嘗革契丹書云鄰壤交
歡上自注其側作朽壤鼠壤冀壤等字億遂改爲鄰境明
日引唐故事學士革制有所改爲不稱職亟求罷上慰諭
之它日謂輔臣曰楊億真有氣性不通商量及議皇后劉
氏上欲得億革制使丁謂諭旨億難之因請三代謂曰大

年勉爲此不憂不富貴億曰如此富貴亦非所願也乃命
它學士草制億雖頻拜旨恩禮猶不表王欽若陳彭年深
害之益加譖毀上意稍急億當入直忽被召至禁中既見
賜坐從容顧問徐出文彙數篋以示億曰卿職朕書迹乎
此皆朕自起草未嘗命臣下代作也億惶恐不知所對頓
首再拜趨出知諧言之言得行即謀退適億有別墅在陽
翟億母往視之會得疾億遂留謁告孀子與孔目史中夕
奔走先一日上聞億母疾遣使告以賜采金幣賜之使者
反門則億已亡去矣朝論竊然以爲不可上亦謂輔臣王
旦等曰億侍從官安得如此自使旦曰億本寒士先帝嘗
異詞學真諸官殿陛下拔擢至此責以公議誠爲罪人賴

陛下矜容不然顯降久矣然近職不可居外地今當罷之上終愛其才諭司命帑下億素體羸於是稱疾請解官
平未以億爲太常少卿分司西京仍許就所居養瘵俟損
日赴任

黃庭堅云改命陳彭年革制命下之日億全家奔陽翟
按立后在去年十二月億以今年五月出奔其出奔不
緣此也歐陽修所記與江休復畧同今用之錢惟演奔
坡遺事載億以五月二日奔陽翟使者及門始知億已
亡其罪億去後始賜也本傳云億不待報行上親緘藥
劑及金帛賜之蓋飾說也今用錢惟演所載庶得其實
億既亡去朝論即宜然王旦等乞罷其近職此命當亟

下乃自五月二日至今月年未幾四旬始有降真宗愛
才容直之盛德於此可見而實錄正傳並皆畧之深可
惜也今持著之億稱疾求罷因授分司本傳當不謬又
云有憲官彈億者則恐未然憲官蓋姜遵也彈億在明
年八月億降汝守時分司之授初不見憲官舉劾疑本
傳別有所據當考

七年八月秘書監分司西京楊億以疾愈求入朝上謂王
旦曰億性峭直無所附會文學固無及者然或言其好竊
議朝政何也旦曰此蓋與億不足誣謗構之耳億受國深
恩非土木類詔誥過當則恐有之訕謔之事保其必無也
戊辰命億知汝州既而監祭御史姜遵奏億頃以母疾

檀去闕庭所宜屏跡衡茅盡心甘旨或求頤郡深屬要君
請罷之上曰億前告歸本無終焉侍養之請今以疾愈求
入朝故特與郡遵未踰此意耳乃詔中書召遵踰之

按實錄及寶訓並稱億求入朝獨姜遵言億忽求頤郡
不知何也豈遵聰明不審或實錄與寶訓有誤當考

八年八月庚寅知汝州秘書監楊億言部內秋稼甚盛粟
一本至四十穗麻一本至九百角上覽其章謂輔臣曰億
之詞筆照映當世後學皆慕之王旦曰如劉蕡宋綬晏殊
筆相繼屬和文有正元元和格者自億始也 九年十一
月癸亥詔近臣觀書龍圖閣秘書監楊億預焉

孫曾太史筆隆平集楊文公傳云疾愈知汝州會加玉

皇聖統表請陪祠召爲寶冊參詳儀制副使久之遷禮部侍郎知貢舉坐謫降秘書監

天禧二年八月甲辰冊立皇太子命秘書監楊億撰皇太子冊文 三年三月癸未工部侍郎楊億等並降一官以貢舉坐謫也 四年四月庚寅工部侍郎楊億爲翰林學士大中祥符末億自汝州代還久之不達或問王旦曰楊大年何不且與舊職旦曰大年所以輕去上左右人言可畏賴上始終保全之今此職欲出自清衆以全君臣之契也踰六年乃復入禁署 六月寇準劾億草表請太子監國且欲援億以代丁謂億畏事泄夜昇左右爲之辭至自起剪燭跋中外無知者既而準被酒漏所謀謂等懼力諧

準授準太子太傅萊國公 七月周懷正事敗兄周懷正
謀反立 魁準又降授太常口卿知相州朝士與準相厚者
丁謂必斥之楊億尤善準而靖太子監國奏又億所草也
及準敗丁謂召億至中書億懼便沒俱下面無人色謂素
重億無意害之徐曰謂當改官頃公爲一好詞爾億乃稍
安卒保全之當時宰相變才如此謂雖奸邪議者亦以此
稱焉 十二月丁丑朔起復翰林學士楊億平錄其子絃
爲奉禮郎億天性穎悟自幼及終不離翰墨文格雄健自
唐大中後詞氣衰濫國朝稍平其浮薄至億乃振起風采
與古之作者方駕矣文思敏速畧不凝滯對客談笑揮毫
無廢而精畧有規裁不煩不艷善細字起草一幅數千言

不加點竄於是學者翕然宗尚名聞四方書無不覽善強記尤長典章制度之事時多取正蓋一時文字之冠也

仁宗景祐元年四月甲午贈翰林學士禮部侍郎知制誥楊億爲禮部尚書賜諡曰文國朝政事非嘗任兩府及事東宮則四品無贈官樞密使王曙言億爲冠準草奏請太子親政爲下謂所排不得志而沒準既贈中書令億宜蒙旌賁故特贈之鎮國節度使駙馬都尉李遵勗乞加諡億忠字泰雖不行詔送史館

王欽若事迹

咸平四年四月己未翰林學士王欽若爲左諫議大夫參知政事五年三月庚戌比部員外郎直史館洪湛削籍

流儋州工部尚書兼御史中丞趙昌言膳部郎中兼侍御
史知雜事范正辭並削一任昌言貴授安遠行軍司馬正
辭滁州團練使推直官殿中丞高鼎主簿王化並削兩任
鼎貴授新州別駕化黃州參軍先是有河陰民常德方者
訟臨津尉任懿納賄登第下御史臺鞠得款云咸平三年
補太學生寓僧仁推舍仁推聞懿就試言多識朝貴當爲
道達懿畱紙許銀七挺仁推以謀之惠秦惠秦松隱其二
易爲五挺惠秦素識王欽若時已在貢院乃因欽若館客
甯大德僕夫徐興納畱紙欽若妻李氏李氏姦就家僕初
畱書懿名於其左臂并口傳許畱之數入省告欽若及懿
過三場畱復持湯飲至省欽若達畱語李氏令取所許物

懿未即興而懿預奏名登科授官未行丁內艱還鄉里仁
雅爲文德惠秦等所延馳書河陰形於詛言德方者責卜
縣市獲仁雅書以告昌言具得其事白靖遠欽若屬文先
是欽若爲亳州判官嘗即其聽幹及代歸以嘗從行雖久
事欽若而未除州之役籍貢舉事畢會州人張績還鄉里
持服欽若托爲眷解去名籍至是欽若自訴云嘗休役之
後始傭於家而惠秦未嘗及門欽若方被寵顧上謂昌言
曰朕侍欽若至厚欽若欲與當就朕求之何苦受舉人駭
耶且欽若纔登政府豈可遽令下獄乎昌言爭不能得乃
詔翰林侍講學士邢昺內侍副知閤承幹并驛召知曹州
工部郎中選肅知許州虞部員外郎毋爾古就太常寺別

鞠得懿欽云有妻兄張駕舉進士城湛懿亦與駕同造湛
門嘗以石榴二百枚木炭百秤饋之懿之輸銀也但禿僧
達主司實不知誰何至是易等緣懿識湛以爲湛納其銀
湛適使陝西中途召還時張駕已死實文德徐興悉遁去
欽若近來機務門下僕使多新募置不識惠泰故無與爲
證又欽若固執知舉時未有初審而懿欽已具遂以湛受
銀爲哥議去當元特宥之懿杖脊配隸志靖軍惠泰坐受
簡及隱銀入已以年七十餘當贖銅八斤特杖一百黥面
配商州坑冶仁推坐誣言懿杖脊配隸郢州牢城是獄也
仁推雖坐誣言懿索銀而不窮用銀之端初王旦與欽若
知舉出爲同知樞密院事洪湛之入貢院懿已試第三場

畢及官收湛家資無物湛素與梁顥善假顥白銀器乃取顥所假者輸官昌言等皆坐故入并及於責

此段實錄所書專爲王欽若今用司馬光紀聞及欽若新傳修入

景德元年閏九月契丹入寇先是寇準已決親征之策參知政事王欽若密言於上請幸金陵食書樞密院事陳堯叟請幸成都上復以問準時欽若堯叟在旁準心知欽若江南人故請南幸堯叟蜀人故請西幸乃陽爲不知曰誰爲陛下畫此策者罪可斬也今天子神武而將帥協和若大駕親征彼自當遁去不然則出師以挽其謀堅守以老其衆勞逸之勢我得勝算矣奈何欲委棄廟社遠之楚蜀

耶上乃止二人由是怨準欽若多智準懼其妄有開說疑沮大事圖所以去之會上欲擇大臣使鎮大名準因言欽若可任欽若亦自請行乙亥以欽若判天雄軍府兼都部署提舉河北轉運司十二月戊戌車駕至自澶州二年正月甲寅工部侍郎參知政事王欽若自天雄軍來朝己巳欽若加階邑貢封中謝又賜襲衣金帶鞍馬四月欽若素與準不協還自天雄再表求罷繼以面請上敦諭不能奪乃置資政殿學士以欽若爲之仍遷刑部侍郎中書定其班在翰林學士之下侍讀學士之上三年二月契丹既和朝廷無事寇準頗矜其功雖上亦以自得也侍準極厚王欽若深害之一日會朝準先退上目送準

欽若因進曰陛下敬畏寇準爲其有社稷功耶上曰然欽
若曰臣不意陛下出此言澶淵之役陛下不以爲恥而謂
準有社稷功何也上愕然曰何故欽若曰城下之盟雖春
秋時小國猶耻之今以萬乘之貴而爲澶淵之舉是盟於
城下也其何恥如之上愀然不能答初議欲親征未決或
以問準準曰直有熱血相潑耳於是諧者謂準無愛君之
心且曰陛下聞博乎博者輸錢欲盡乃罄所有出之謂之
孤注陛下寇準之孤注也斯亦危矣由是上顧準稍衰
戊戌中書侍郎兼工部尚書平章事寇準罷爲刑部尚書
以尚書左丞參知政事王旦爲工部尚書平章事旦入謝
便坐上謂曰寇準以國家爵賞過求虛譽無大臣體罷其

重柄庶保終吉也既而令準出知陝州將行又遣近臣傳旨戒約

準和陝州書在三月庚申令并書之

封禪天書

見封泰山

七月忠武節度使高瓊卧疾上欲臨幸其第

知樞密院王欽若恨瓊附寇準且沮準澶淵之功

因言瓊雖久掌禁兵倍宿衛然未嘗有破敵功凡車駕臨

問所以寵待勲臣施之於瓊恐無以示甄別乃止

王欽若恨瓊附準此據王珪所作神道碑本傳云宰相

止上問疾按欽若此時未為宰相傳誤矣或當時史官

陰為欽若諱也

上以李洎林特劉承珪等所折衷新法猶恐未盡其要命

樞密直學士李潛劉綜知雜御史王濟與三司同取舊法
較其利害時新法方行商人頗惑不敢以時貿易然榷務
所納金帛其數已多於前歲矣 庚申特承珪請罷比較
仍乞不議酌當從之 四年九月丁謂林特以王濟等較
茶法持論多忤因與王欽若迭詆訾之 年已濟以工部
員外郎兼侍御史知雜事改工部郎中出知杭州 十二
月乙未王欽若等編修君臣事跡欽若爲人傾巧所修書
或當上急褒賞所及欽若即自名表首以謝或謬誤有所
譴問則戒書吏稱楊億以下所爲以對同僚皆嫉之使陳
越寢如尸以爲欽若石中立作欽若妻哭其旁餘人歌虞
殯於前欽若聞之亟奏將盡絀責王旦持之得寢億在館

中欽若或繼至必避出他所亦然欽若出知杭州奉朝啓
有詩獨慙不作欽若辭曰具奏詔諭億令作詩竟遽延不
送

此據江休復雜志附見

大中祥符四年七月國史院進所修太祖紀上錄紀中義
例未當者二十餘條謂王旦王欽若等曰如以鐘鼓樓而
爲漏室宴務爲甄宮豈若直指其名也宜改正之欽若曰
此蓋晁迥楊億所修上曰卿嘗參之耶旦曰朝廷撰集大
典並當悉心務令廣備初無彼此之別也因詔每卷自今
先奏草本編修官及同修史官其初修或再看詳皆具載
其名 五年九月戊子參知政事刑部侍郎趙安仁罷爲

兵部尚書安仁小心謹畏處事審詳特留意於刑名內外
書詔關要切者必歸安仁裁損之先是上議立皇后安仁
謂劉德妃家世寒微不如沈才人出於相門上雖不樂然
衆其中正不罪也它日與王欽若從容論方今大臣誰最
爲長者欽若欲排安仁乃舉之曰無若趙安仁上曰何以
言之欽若曰安仁昔爲故相沈義倫所知至今不忘舊德
常欲報之上默然始有意斥安仁矣 三司使禮部侍郎
丁謂爲戶部侍郎參知政事初翰林學士李宗諤與王旦
善旦欲引宗諤參知政事嘗以告王欽若欽若唯唯旦曰
當白上宗諤家貧祿粟不足以給婚嫁旦前後資借甚多
欽若知之故事參知政事謝日所賜之物幾三千緡欽若

因奏系錫員王旦私錢不能償旦欲引宗諤參知政事
得賜物以償已債非爲國擇賢也明日旦果以宗諤名聞
上變色不許及趙安仁罷謂時奉詔謁亳州太清宮猶未
還即命謂代之蓋欽若所爲云欽若與劉承珪陳彭年林
特及謂等交通蹤跡詭異時論謂之五鬼 己丑以鹽鐵
副使右諫議大夫林特權三司使 癸巳翰林學士楊億
剛介寡合在書局唯與李維路振刁衍陳越劉筠等善當
時文士多賴其品題或被貶議者退多怨誅欽若驟貴億
素薄其爲人欽若卿之陳彭年方以文史售進忌億名出
己右相與毀訾於上上素重億未始聽也 六年六月議
立皇后劉氏億不欲革制更命他學士以是頻忤旨恩禮

猶不哀王欽若陳彭年深害之益加毀譖上意稍怠億嘗
入直忽被召至禁中既見賜坐從容顧問徐出大業數歷
以示億曰卿識朕書迹乎此皆朕自起草未嘗命臣下代
作億皇恐不知所對頓首再拜趨出知諧者之言得行即
謀退適億有別墅在陽翟億母往視之會得疾億遂留謂
告榜子與孔目吏中夕奔去 壬申以右諫議大夫龍圖
閣直學士陳彭年爲翰林學士 七年六月乙亥樞密使
王欽若罷爲吏部尚書陳堯叟爲戶部尚書副使馬知節
爲潁州防禦使欽若性傾巧敢爲矯誕知節薄其爲人未
嘗詭隨上嘗以喜雪詩賜近臣而誤用旁韻王旦欲白於
上欽若曰天子詩豈當以禮部格校之旦遂止欽若退遽

臣以聞已而上諭二府曰前所賜詩非欽若幾爲宋笑且
唯唯知節具斥其姦狀上亦不罪也欽若每奏事或懷數
奏但出其一二其餘皆匿之既退則以己意稱上旨行之
知節嘗於上前頓欽若曰懷中奏何不盡出欽若寵顧方
深知節愈不爲之下爭於上前者數矣及是王懷信等上
平清并監鹽功樞密院議行賞欽若免吏請轉一資知節
云還臣久無立功者請重賞以激其餘議久不決上促之
知節忿恚因面訐欽若之短既而不暇奏稟即超授懷信
等官上怒謂向敏中等曰欽若等議賞典不具劄子亦不
具進表使直到送中書與懷信供脩庫副使始則稽留不
行終又擅自超擢敢以爵賞之柄高下爲己任近位如此

朕獨束手也又曰欽若等亦異常不和事無大小動輒爭
競朕於臣下止可如此耳其如事君之禮人所具瞻何於
是三人者俱罷八年四月壬戌欽若復爲樞密使同平
章事天禧元年八月庚午以樞密使同平章事王欽若
爲右僕射平章事先是上欲相欽若王旦曰欽若遭逢隆
下恩禮之厚乞令在樞密院兩府任用亦均臣見祖宗朝
未嘗使南方人當國雖古稱立賢無方然必賢士乃可臣
位居元宰不敢阻抑人此亦公議也上遂止及旦罷上卒
相欽若欽若常語人曰爲王子明故使我作相晚却十年
九月癸卯給事中參知政事王曾罷爲禮部侍郎初曾
以會靈觀使讓王欽若見崇寧五載上意不懌及欽若爲

相因欲排異己者數譖之會曹市賀皇后家舊第其家未
遽而曹令人革土置其門賀氏入訴禁中明日上以語欽
若遂罷曹政事十一月庚申日南至先是太常禮院言
宰相出殯當輟視朝王旦以是日薨望準禮例中書言其
日皇帝已有詔不受朝賀遂不下輟朝之命議者謂其日
當罷百官拜表之禮時王欽若與旦不協政抑之十二
月甲戌以樞密直學士刑部侍郎李士衡爲三司使士衡
方進用王欽若害之欲言而未有路會上論時文之弊欽
若因言路振文人也然不識體上曰何也曰士衡父誅死
而振爲贈告乃曰世有顯人上顯之士衡以故不大用
二年十一月壬戌員外郎判度支勾院任布資監鄧州酒

祝見并海觀十二月工部侍郎參知政事張知白與宰相
王欽若議論多相失因稱疾辭位丙午罷爲刑部侍郎翰林
學士知天雄軍上賦詩餞之三年六月甲午左僕射
平章事王欽若罷爲太子太保時欽若恩遇凌宸人有言
其受金者欽若於上前自辨乞下御史臺覆實上不悅曰
國家置御史臺固欽若爲人辨虛實耳欽若惶恐因求出藩
會商州捕得道士譙文易畜禁書能以術使六丁六甲神
自言嘗出入欽若家得欽若所遺詩及書上以問欽若謝
不省遂罷相制詞以均勞之意從優禮云尋命判杭州
資銖云初周懷正以上崇禋祀遂與妖人未能輩偽造
靈命異圖恩寵且日進樂餌欽若屢言其妄復畧陳規

諫懷正懼得罪因共誣詆偁言捕獲金商州道士譙文
易畜禁書有神術欽若素識之上不復辨詰始有是命
蓋當時史官見欽若復相故陰爲之辭其言不然也今
削去受金覆實事據記聞載蘇頌子谷語此必不妄今
從之

初王欽若嘗自言過圃田夜起視天中有赤文成紫微字
後使蜀在褒城道中遇異人告以他日位至宰相既去視
其字則唐司徒裴度也及貴遂好神仙之事常用道家科
儀壇場以禮神朱書紫微二字陳於壇上後又言度墳在
鄭州桐宇毀壞欽自以家財完葺詔可仍錄度孫坦爲鄭
州助教欽若又請以新廟編入祀典從之仍作文者其事

凡天文及諸詞條皆欽若發之雖以濟其邪佞亦其素所蓄積者然也 八月太子太保判杭州王欽若自以脩位東宮請入朝甲申召之 九月壬申王欽若來朝令入赴內殿起居 十月壬辰以太子太保王欽若爲資政殿大學士仍令日赴資善堂侍坐太子講讀 十二月乙丑王欽若爲司空職任如故 丁酉以資政殿大學士司空王欽若爲東道節度使同平章事判河南府見丁謂事迹五年十一月戊子責授司農卿分司南京見丁謂事迹

皇宋通鑑長編紀事本末卷第二十三

真宗皇帝

丁謂事迹

天禧三年正月丙戌知江寧府丁謂言啟承天節道場甘露降仍獻五言詩有詔褒答有和詩賜焉 四月丁酉知江寧府丁謂言中使雷允恭詣茅山投進金龍玉簡設醮次七鶴翔於壇上上作書賜謂 六月戊子保信軍節度使丁謂自江寧來朝召之也 戊戌以山南東道節度使同平章事寇準爲中書侍郎兼吏部尚書平章事保信節度使丁謂爲吏部尚書參知政事故事節度使除拜當降麻翰林學士盛度以爲參知政事當屬外制遂命知制誥

宋綬革辭謂甚恨焉謂在中書事準謹甚常會食羹汚準
指謂起徐拂之準笑曰參政國之大臣乃爲長官拂指耶
謂甚愧之由是傾誣始萌矣丁未以同玉清昭應宮副使
吏部侍郎林特爲尚書左丞玉清昭應宮副使特性邪險
善附會故丁謂始終善特亟引用之四年六月丙申以
右僕射兼中書侍郎平章事寇準爲太子太傅策國公先
是準爲樞密使曹利用副之準素輕利用議事有不合者
準輒曰君一匹夫耳豈解此國家大體耶利用由是銜之
而下謂以拂指亦恨準及同爲樞密使遂合謀欲排準翰
林學士錢惟演見謂權盛附離之與講姻好而惟演女弟
貴爲馬軍都虞候劉美妻時上不豫親於語言政事多中

官所決謂等交通詭秘其黨日固故劉氏宗人橫於蜀李
民暨井上以皇后故欲舍其罪準必請行法重失皇后意
謂等因媒孽之準嘗獨請問曰皇太子人望所屬願陛下
思宗廟之重傳以神器以固萬世基本丁謂佞人也不可
以輔少主願擇方正大臣爲羽翼上然之

正傳云丁謂殘虐佞人也不可輔少主按此時惟演
但爲翰林學士不當便與丁謂同日而語附傳亦不載
惟演恐正傳誤增今不取張唐英仁宗政要又載準言
丁謂持才挾姦曹利用恃權使氣恐唐英所載亦不得
實利用恃權使氣當在太后垂簾時今猶未也陳輝拜
罷銖亦止稱丁謂

準乃蜀翰林學士楊億草表請太子監國且欲援億以代
謂億畏事泄夜屏左右爲之辭至自起剪燭跋中外無知
者既而準被酒泄所謀

億至自剪燭跋此據附傳今正傳削去龍川別志乃云
億私語其妻弟張演曰數日之後事當一新語稍泄丁
謂夜乘婦人車與曹利用謀之不知別志何所據然別
志所稱立太子廢劉后則自準罷相後周懷正之謀而
億所草乃請太子監國表爾雖附傳亦以爲微服過利
用爲在此時蓋誤也拜罷與附傳同今正傳已改之附
傳及拜罷錄並云草制正傳但云草表今從正傳

謂等益懼力諧準請罷準政事上不記與準初有成言諾

其請會日暮召知制誥晏殊入禁中示以除目殊曰臣掌
外制此非臣職也乃召惟演須臾惟演至極論準專恣請
深責上曰當與何官惟演請用王欽若例授準太子太保
上曰與太子太傅又曰吏與加優禮惟演請封國公出袖
中具員冊以進上於小國中指策字惟演曰如此則中書
但有李迪恐須別命相上曰姑徐之殊既誤召因曰恐泄
機事臣不敢復出遂宿於學士院及宣制則非殊疇昔所
見不知殊所見除目又何等也殊不以告人故亦莫得其
詳云

仁宗實錄冠準附傳陳輝拜罷錄司馬光記聞張唐英
政要曾氏隆平集蘇氏龍川別志並誤以準初罷相時

事即周懷正所謀蓋不考其日月故也國史正傳已畧正之但不詳爾今取錢惟演日記及江休復雜志附益之請太子監國準奏也傳位太子廢皇后周懷正謀也準以監國表洩罷相以懷正謀洩遠貶二事初不同諸書見準坐懷正繼貶謂準本謀如此其實謀出懷政準未必知耳仁宗景祐元年四月以王曙言進謚楊億亦但云草奏請太子親政不云干制也龍川別志又言使億草詔書遣曙出使誅異已者曙藏去之億實不然今止從實錄

七月癸亥上對參知政事李迪兵部尚書馮拯翰林學士錢惟演於滋福殿是日惟演又力排寇準曰準自罷相轉

史文結中外再求用曉天文卜筮者皆過召以至管軍臣
僚陛下親信內侍無不着意恐小人明黨誑惑聖聽不如
早令出外上曰有何名目惟演曰開準已具表乞河中府
見中書未除宰相兼亦聞有人許以再用遂不進此表上
曰與河中府何如惟演乞召李迪諭旨上曰李迪何如惟
演言地長者無過只是才短不能制準因言中書宜早命
宰相上難其人惟演對曰若宰相未有人可且着三兩員
參知政事上曰參政亦難得人問今誰在李迪上惟演對
曹利用丁謂任中正並在李迪上上默然惟演又言馮拯
爲人性純和與寇準不同上亦默然既而曰張知白何如
惟演言知白有介使參政則可恐未可爲宰相上頷之惟

演又言冠準宜早令出外準朋黨盛王曙又其女婿作東
宮屬客誰不畏懼今朝廷人三分二分皆附準矣臣知言
出禍從然不敢不言惟陛下幸察上曰卿勿憂惟演再拜
而退 丙寅以禮部侍郎參知政事李迪爲吏部侍郎兼
太子少傅平章事兵部尚書馮拯爲樞密使吏部尚書同
平章事拯拜樞密使蓋用惟演之言也迪既爲宰相而準
爲太子太傅萊國公如故先是馮拯以兵部尚書判都省
上欲加拯吏部尚書參知政事召學士楊億使草制億曰
此舍人職也上曰學士所職何官億曰若除樞密使同平
章事則制書乃學士所當草也上曰即以此命拯拯既受
命樞密口領使者凡三人前此未有人皆怪疑曹利用丁

謂因各求罷上徐覺其誤召知制誥晏殊詰之將有所易
置殊曰此非臣職也遂召錢惟演入對曰爲極故參知政
事今拜樞密使當矣但中書不應止用李迪一人蓋建曹
利用丁謂過中書上曰誰可惟演曰丁謂大臣過中書爲
使又言王清昭應宮未有使謂苗議建宮宜即令領此又言曹
利用忠亦有功國家亦宜與平章事上曰諾庚午以樞密
使吏部尚書丁謂口平章事樞密使檢校太尉曹利用加
同平章事皆用惟演所言也

此段參取錢氏及司馬氏日記修入晏殊詔召恐不至
再當考馮拯自兵書加吏書必參政日記偶脫今追填
之楊億所云此舍人職蓋參政制乃舍人所當草也

上既從錢惟演之言擢丁謂首相加曹利用平章事然所以待寇準者猶如故謂等懼謀益深士申準入對具言謂及利用等交通踪跡又言臣若有罪當與李迪同坐不應獨被斥上即召迪至前質之兩人論辯良久上意不樂迪再三目準令退及俱退上復召迪入對作色曰寇準遠取卿與丁謂曹利用並出外迪言謂及利用頗學士降麻臣但乞一知州上沉吟良久色漸解曰將取文字來迪退後作文字却進上遽然曰卿等無它且留文字商量更召謂入對謂請除準節鉞令出外上不許

此據錢惟演記刪修準迪謂入對皆二十二日

越明日楊崇勳等遂告變周懷政伏誅又三日準乃遠貶

告周懷政發立事見懷政謀發立發未能大書見未能偽
造大書丁丑太子太傅冠準降授太常卿知相州翰林學
士盛度樞密直學士王曙並落職度知光州曙知汝州皆
坐與周懷政交通而曙又準壻也準親吏張文質賈德潤
並黜爲普寧連山縣主簿後又除名配隸封貴州朝士與
準親厚者丁謂必斥之楊準尤喜準而請太子監國秦又
億所草也及準敗丁謂召億至中書億懼便溺俱下面無
人色謂素重億無意害之徐曰謂當改官頃公爲一好詞
耳億乃稍安卒保全之當時宰相受才如此謂雖姦邪議
者亦以此稱焉八月太子太保判杭州王欽若自以偕
位東宮請入朝甲申召之徙知相州太常卿冠準知安州

初李迪與準同在中書事之甚謹及準罷丁謂意頗輕迪於是謂等不欲準居內郡白上欲遠徙之上命與小州謂退而署紙尾曰奉聖旨除遠小處知州迪曰向者聖旨無遠字謂曰君面奉德音欲擅改聖旨以死準耶二人忿鬪蓋如此始 壬寅太常卿知安州寇準坐未能叛再貶道州司馬制詞云不務敦修益過凶慝辱余輔弼玷乃縉紳仍以其事傳告諸州御史臺獨榜朝堂自準罷相繼以三黜皆非上本意歲餘上忽問左右曰吾目中久不見寇準何也左右亦莫敢對

此據司馬光記聞丁謂傳云周懷政事敗議貶準帝意欲謫準江淮間謂退而除道州司馬獨王曾以帝語質

之謂顧曰居停主人勿復言蓋指曾以第舍假準也按
居停之語在仁宗初再貶雷州時曾緣此遂謀去謂龍
川別志當得之以聖旨質謂乃李迪其事見記聞今從
之若此時曾已詰謂則當迪謂愈爭時曾亦必不助謂
矣國史恐誤也徐度國紀所載恐不然今不取

癸卯衛尉卿慎從吉爲光祿卿致仕司封郎中兼侍御史
知雜事杜堯臣改衛尉少卿知陝州皆坐與寇準親善也
九月己未以樞密副使周起爲戶部侍郎知青川餘書
樞密院事曹瑋爲宣徽南院使環慶路都部署兼管勾秦
州兵馬起素善寇準而瑋亦不附謂謂惡之并指爲準黨
故俱罷黜 十月丙午太常寺太祝丁珮爲內殿崇班從

其父宰相謂所乞也 十一月乙丑自冠準敗斥丁謂凌
浸擅權至除吏不以聞李迪憤懣嘗慨然語同列曰迪起
布衣十年餘位至宰相有以報國死且不恨安能附權臣
爲自安計乎及是上對輔臣於永明殿欲令太子蒞政於
外皇后居中詳處輔臣等請以太子監國望令中書樞密
院大臣各兼東宮職任時迪已帶少傅欲得中書侍郎尚
書謂執不可遂草執狀請加門下侍郎兼少師迪加中書
侍郎兼左丞其餘遷改有差詳見輔導太子政事兩省侍
郎無兼左右丞者而迪舊人亦當遷尚書謂專意抑迪迪
不能堪變色而起 丙寅晨朝待漏謂又欲以林特爲樞
密副使仍領眉客迪曰特去歲遷右丞今年改尚書入東

宮皆非公遺物議未息況已奏除唐事何可改也因詔謂引手板欲擊謂謂走得免同列極意和解不聽遂入對於長春殿內臣自禁中奉制書置榻前上曰此卿等兼東宮官制書也迪進曰臣請不受此命因斥謂姦邪弄權中外無不畏懼臣願與謂同下憲司置對具言昨林特子在任非理決罰人致死其家詣闕訴免寢而不理蓋謂所黨庇人不敢言又曰寇準無罪見斥未能事不當顯戮東宮官不當增置又錢惟演亦謂之姻家臣願與謂惟演俱罷政柄望陛下別擇賢才爲輔弼又曰曹利用馮拯亦相朋黨利用進曰以片文隻字達達聖世臣不如迪奮空拳捐軀命人不測之寇迪不如臣也上顧謂曰中書有不當事耶

謂曰願以詢臣同列乃問任中正王曾皆曰中書供職外亦無曠闕事項之謂迪等先退獨留樞密使副議之上怒甚初欲付御史臺利用極曰大臣下獄不惟深駭物聽況丁謂本無紛競之意而與李迪置對亦未合事宜上曰曲直未分安得不辨既而意稍解乃曰朕當即有處分惟演進曰臣與謂相親忽加排擯願退就班列上慰諭久之乃命學士劉弼草制各降秩一級罷相謂知河南府迪知邠州制書猶未出丁卯迪請對於承明殿又請見太子於內東門其所言蓋不傳而謂陰圖復入惟演亦恐謂出則已失援白上欲留之并請留迪因言契丹使將至宰相絕班馮拯舊臣過中書甚便若別用人則恐生事上可之

迪對承明殿不知言何事而實錄正史皆不載今持表而出之

戊辰命謂以戶部尚書迪以戶部侍郎歸班事頗迫遽其制詞舍人院所草也蒞所草制訖不行是日惟演及中正曾等並如初議遷秩頭束言官而太子議政詔書及極利用等皆制格

百官表謂以戶書知河南迪以戶部知鄆州皆係戊辰日

己巳謂入對於承明殿上詰所爭狀謂曰非臣敢爭乃迪忿言臣爾臣不當與之俱罷爾優留遂賜坐左右欲設塾謂顧曰有旨復平章事乃更以杞子進於是入內都知張

景宗副都知鄧守恩傳詔送謂赴中書令依舊視事仍詔
迪出知鄆州放朝辭即時赴任時已命學士劉筠革制以
樞為相領玉清昭應宮使昭文館大學士制入而未出也
謂既復相其制亦卒不行謂始傳詔召劉筠革復相制筠
不奉詔乃更召晏殊筠既出院遇殊樞密院南門殊側面
而過不敢揖蓋內有所愧焉

拜罷錄云迪欲兼左丞王曾等以為不可又云迪語樞
喧戾上遽叱之又云上稱迪無禮又云時契丹使將至
宰相絕班於是復欲相謂錢惟演請并留迪王曾等言
謂無過曲在迪請令出三兩月復召之此皆陳繹私意
曲筆與正史實錄及諸家書並不合今不取獨所云惟

演靖并留迪或不妄蓋迪與謂初並出守尋復留不知何故當是從惟演議耳然惟演實爲謂計當時不得已且并留迪故謂卒留而迪竟出也龍川別志載二相忿爭又與實錄正史不同且云劉筠辭不革制乃令錢惟演按此時惟演已副樞丞別志誤矣記聞亦以爲革制者惟演也今皆不取然留丁謂出李迪其謀實自惟演但不當革制而革制者晏殊也御史臺記劉筠傳云十一月丙辰除丁謂兼少師李迪兼少傅馮拯與曹利用並兼少保筠當制麻入未宣迪謂忿爭於帝前戊辰筠復直謂罷爲戶書知河南府迪罷爲戶侍知鄆州拯爲昭文曾爲集賢制既入謂復留要筠改制筠不從卒命

他學士為之樞遂為某賢曾依舊為副樞此記載王曾
事與他書不同當考宋綬作筠墓銘亦云上在東宮始
議邦政以樞務係三孤筠當上麻入而事遽易丞相要
筠改詔筠拒不住卒用他學士為之然則迪謂等初領
東宮職及罷相兩制皆筠所草也

庚午吏部尚書平章事丁謂加左僕射門下侍郎兼太子
少師樞密使同平章事馮拯為右僕射中書侍郎兼少傅
平章事樞密使同平章事曹利用兼少保是日詔自今中
書樞密院諸司該取旨公事仍舊進呈外其常程事務委
皇太子與軍臣樞密使以下就資善堂會議施行訖奏
壬申皇太子見宰相樞密使於資善堂諸司職掌以次參

錫 十二月己丑以資政殿大學士太子太保王欽若爲
司空職如故止立學士班 丁酉欽若爲山南東道節度
使同平章事判河南府初欽若與丁謂善援引至兩府及
謂得志稍叛欽若欽若恨之時上之不豫久事多遺忘欽
若先以太子太保在東宮位三少上謂不悅因改授司空
欽若寔見上問曰卿何故不之中書對曰臣不爲宰相安
敢之中書上顧都知送欽若詣中書視事謂公設饌以待
之曰上命中書設饌耳欽若既出使都知入奏以無白麻
不敢奉詔因歸私第有詔學士院降麻謂乃除欽若使相
爲西京留守上但聞宣制亦不知誤也

記聞載欽若入資善堂見太子位三少上丁謂方用事

尋有詔欽若以太子太保歸班欽若袖詔書白上臣已
歸班不曉詔旨上留其詔改除司空按欽若以太子太
保歸班大禧三年六月甲午初罷相時事此時謂猶未
入中書也若已爲太子太保又令歸班則詔旨果不可
曉恐謂亦不至此謬或記聞誤也改除司空參取記聞
及本傳押赴中書視事及爲使相除河南則參取記聞
及江休復雜志稍刪潤之

五年正月丁酉翰林學士劉筠見上久疾丁謂浸擅權歎
曰姦人用事安可一日居此表求外任乃授右諫議大夫
知廬州舊制學士罷職多爲侍讀學士或龍圖閣學士筠
但除諫議大夫謂沮之也 三月壬寅輔臣以天章閣成

並遷秩丁謂爲司空馮拯爲左僕射曹利用爲右僕射任
中正爲工部尚書錢惟演爲右丞王曾爲吏部侍郎張士
遜爲給事中初利用止加階邑謂等謂與同違命已下乃
帖麻宣授

范鎮東齋記事云曹利用先賜進士出身而後除僕射
乃知進士之爲貴也如此不知鎮何所據附傳正傳俱
無之當考

十一月甲申山南東道節度使同平章事判河南府王欽
若有疾詔遣中使將太醫診視先是欽若累表請就醫京
師未報丁謂竊使人給欽若曰上數語及君甚思一見君
第上表徑來上必不訝也欽若信之即令其子右贊善大

夫從益移文河南府與疾而歸謂因言欽若擅去官可無
人臣禮命御史中丞薛映就第按問欽若皇恐伏罪茂子
青授司農卿分司南京奪從益一官□□□□□□
口被罪仍班諭天下 十二月壬戌徙知應天府翰林侍
讀學士兵部侍郎張知白知亳州初知白在中書與王欽
若不協於是欽若分司南京丁謂欽知白修怨也已而知
白侍欽若加厚謂怨致徙之 乾興元年二月甲辰封晉
國公茂子真宗崩仁宗即位遣詔軍國事兼權取皇太后
處分初輔臣共聽遺命於皇太后退即殿廬革制軍國事
兼權取皇太后處分丁謂欲去權字王曾曰政出房闥斯
已國家否運稱權尚足示後且言猶在耳何可改也謂乃

止曾又言尊禮淑妃太遽須它日議之不必載遺制中謂
佛然曰參政果欲擅改制書耶曾復與辨而同列無助曾
者曾亦止時中外洵曾正色獨立朝廷賴以爲重詳見

太后垂簾

庚申命軍臣丁謂爲山陵使先是輔臣請坐

太后御殿太后遣內侍張景宗當允恭諭曰皇帝視事當
朝夕在側何煩別御一殿也乃令二府詳定儀注王曾援
東漢故事請五日一御承明殿太后坐左皇帝坐右垂簾
聽政既得旨而丁謂獨欲皇帝朔望見羣臣大事則太后
與帝召對輔臣決之非大事悉令當允恭傳奏禁中盡可
以下曾曰兩宮異處而柄歸宦官禍端兆矣謂不聽癸亥
太后忽降手書處分盡如謂所議蓋謂不欲令同列與聞

機密故潛結允恭使白太后平行其意及學士革詞允恭
先持示謂閼訖乃進

歐陽修作晏殊神道碑云丁謂嘗利用各欲獨見奏事
無敢決其議殊建言羣臣奏事太后垂簾聽之此無
得見議遂定附傳正傳俱无此今亦不敢取

甲子始聽政丙寅軍臣丁謂加司徒馮拯加司空樞密使
利用加左僕射並兼侍中參知政事王曾謂丁謂曰自
中書令至諫議大夫平章事其任一也樞密珥貂可耳今
主幼母后臨朝君執冠柄而以數十年曠位之官一旦除
授得無口公議乎謂不聽 戊辰徙道州司馬冠準為雷
州司戶參軍戶部侍郎知鄆州李迪為衡州團練使副仍

播其罪於中外準坐與周懷政交通並坐明黨附會也始
議竄逐王曾疑青太重丁謂熟視曾曰居停主人恐亦未
免耳蓋指曾嘗以第舍假準曾蹶然懼遂不便爭知制誥
宋綬當直草青辭謂嫌其不切顧曰舍人都不解作文字
耶綬避謝乞加筆削謂即用已意改定詔所稱當醜徒干
紀之際屬先皇遽豫之初罹此震驚遂至沉劇皆謂語也
江休復雜志云呂文靖作舍人值旬假丁晉公宅會客
忽來招遂趨往至則懷中出詞頭口口草冠萊公當州
制既畢覽之不憚曰舍人都不解作文字耶呂遜謝再
三乞口筆增補遂注兩聯曰當尊豎亂常之日乃先皇
遽豫之初罹此震驚遂至沉劇按呂夷簡天禧四年九

月自知制誥改龍圖閣直學士權知開封府不在舍人院久矣又下詔責寇準等乃二月二十九日其草詔時非旬假可知恐江氏誤也今不取當從龍川別志當直舍人乃宋綬龍川別志丁謂逐李迪命宋綬草責詞綬請其罪名謂曰春秋無將漢法不道昏其事也宋不得已從之詞既上謂猶嫌其不切多所改定其言上前爭議曰惟此震驚遂至沈頓謂所定也按實錄具載寇準及李迪責詞準則云爲臣不忠迪則云附下濟惡並無春秋漢法等語當是宋綬但從謂指草詔卻自用己意行文故不同耳惟此震驚遂至沈頓乃叙說周懷政謀反事準坐與懷政通反迪坐附會準初不叙爭議上前

事也蓋地與準同責而別志偶不及準致妄以爭議事
附者之然爭議亦何至震驚沈頓今不取

謂惡準也必欲致之死地遣中使齎勅就賜二人中使承
謂指以錦囊貯飯揭作馬前示將有所誅戮狀至道州準
方與客宴多州吏也起逆中使中使避不見問其所以來
之故不答求其恐不知所為準神色自若使人謂之曰朝
廷若賜準死願見勅書中使不得已乃授以勅準即從錄
事參軍借練衫着之短纜至膝拜勅於庭升階復宴至暮
乃罷及赴貶所道險不能進州縣以竹輿迎之準謝曰吾
罪人得乘馬幸矣冒炎瘴日行百里左右爲之泣下既至
吏獻以園經首戴州東南門至海岸十里準恍然曰吾少

時嘗爲詩有日到海只十里過山應萬重今日思之人生
得喪豈偶然耶中使至鄆州迪聞其異於它日即自裁不
殊救之乃免人往見迪音中使輒藉其名或饋之食留至
甚腐棄捐不與迪客鄧餘怒曰豎子欲殺我公以蠲丁謂
耶鄧餘不畏死汝殺我公我必殺汝從迪至衛州不離左
右迪由是得全或語謂曰迪若敗死其如士論何謂曰異
日好事書生弄筆墨記事爲輕重不過曰天下惜之而已
宣徽南院使鎮國軍留後曹瑋責授左衛大將軍客州觀
蔡使知萊州瑋時任鎮定都部署丁謂疑瑋不受命詔河
北轉運使侍御史韓億馳往收其兵先是億嘗受詔爲向
敏中諸子析私財丁謂使所親諭億欲市向氏長安華嚴

川田億至向第面戒諸子曰上田衣食之原決不可鬻由
是忤謂意謂欲緣是併中億而尋得詔即日上道弱卒十
餘人不以弓報天服自隨謂卒不能加害 戶部侍郎知
青州周起賁授太常少卿知光州給事中知杭州王隨授
秘書少監知通州知海州王曙授鄂州團練副使兵部郎
中知光州盛度授和州團練副使凡前附寇準事者並再
加職銜 六月庚申西京作坊使普州刺史大內押班雷
允恭以擅易皇堂事伏誅 詳見雷允恭擅易皇堂初丁謂
與允恭協比專恣內挾太后同列無如之何太后常以上
卧起晚今內侍傳旨中書欲獨受羣臣朝謂適在告馮拯
等不敢決請謂出謀之及謂出力陳其不可且詰拯等不

即言由是稍失太后意又嘗議月進錢充宮掖之用太后
滋不悅允恭既下獄王曾欲以山陵事并去謂而未得聞
一日語同列曰曾無子將以弟之子為後明日朝退當留
白此謂不疑曾有異志也曾獨對具言謂藏禍心故令允
恭擅移皇堂於絕地太后始大驚謂徐聞之力自辨於簾
前未退內侍忽捲簾曰相公誰與語駕久起矣謂豈恐不
知所為以笏叩頭而出 癸亥輔臣會食資善堂召議事
謂獨不與知得罪頗哀請錢惟演遽曰當致力無大憂也
馮拯熟視惟演惟演蹴踏及對承明殿太后諭拯等曰謂
身為宰相乃與允恭交通因出謂嘗托允恭令後苑匠所
造金酒器示之又出允恭嘗于謂求嘗勾皇城司及三司

衛司狀因曰謂前附允奏奏事皆言已與卿等議定故皆可其奏近方識其矯誣且營奉先帝陵寢所宜盡心而擅有遷易幾誤大事極等奏曰自先帝登遐政事皆謂與允奏同議稱得旨禁中臣等莫辨虛實賴聖神察其奸比求社之福也太后怒甚欲誅謂極進曰謂固有罪然帝新即位亟誅大臣駭天下耳目且謂豈有逆謀哉第夫泰山陵事耳太后稍解令極等即殿廡議降黜之命任中正言謂被先帝顧託雖有罪請如律議功曾曰謂以不忠得罪宗廟尚何議耶乃責謂爲太子少保分司西京故事宰相罷免皆降制時亟欲行止召當直舍人草詞仍榜朝堂布諭天下謂所坐但私庇允奏不忍改其妄作未必真有禍心

然天資險狡多陰謀得政歲久惡不可測雖曹以計傾之而公論不以爲過也

魏泰云呂許公權知開封鞠雷允恭獄凡行移推劾文字及追取證左之人一切止自允恭略無及謂之語獄其欲上聞謂信以爲無疑遂令許公對公至上前方暴其絕地之事按劾獄就鞫縣內侍羅崇勛實主之許公但與曹宗道復視皇堂無與獄事也魏泰所聞誤矣以計傾謂乃王沂公然與獄事亦無與龍川別志所載蓋得其實泰又云沂公獨入劉子元與山陵已前一切內降文字中外並不得施行又云今後凡兩府行文字中書須宰相參政丞院須樞密使副衆書聞方許中外承

受兩宮可其奏謂聞之愕然自失由是深憚沂公事俱
不見於國史實錄以理勢度之謂方與允恭交結沂公
雖有此奏亦未必從愕然自失當是沂公獨對發其擅
易皇堂事耳今並不取丁謂附傳及正傳並云遣制軍
國事兼權取皇太后處分謂乃增權字及太后稱制又
議月進錢充宮掖之用太后深惡之因允恭擅易皇堂
遂併錄謂前後欺罔事竄之按王曾言行錄謂乃欲去
權字者傳悞矣僧文瑩湘山錄載仁廟纂臨才十二歲
未能侍旦起已日高太后遣中人傳旨中書爲官家年
少起晚恐稽留百官班次每日祇來這裏體會丁晉公
謂在告馮相復奏曰乞候丁謂出與商量及丁參告太

后又傳旨晉公公奏曰臣等尚聞皇帝傳寶受遺若移
大政於它處則理勢不順難以承稟晉公由此忤太后
意復面責同列曰此事諸君即當中覆何須某出足見
顧籍自學也晉公更衣馮謂魯參曰渠必獨作周公令
吾輩為莽卓乃真辜存心也丁謂忤太后旨此當得其
實然謂切議獨欲皇帝朔望見羣臣大事則太后與帝
召對輔臣決之今乃不欲太后獨受羣臣朝似與前相
戾或姦邪亦往往堅持小正以售其大不正又謂意太
后未必罪己故敢如此也但文瑩所載尚多抵牾且丁
謂未敗時魯宗道安得遽為參政今畧刪取并月進錢
書之

丙寅參知政事任中正罷爲太子賓客知郢州坐營救丁
謂政也中正弟中行中師並坐降絀 七月戊辰朔降丁
謂子太常丞直集賢院珙爲太子中允落職監鄧州稅珙
比城各遣一官並勒令隨父知河南府薛願素與丁謂厚
善庚午命知應天府趙鼎與願易任 壬申王清昭應宮
副使翰林侍讀學士刑部尚書林特落職歸班禮部郎中
知制誥史館修撰祖士衡落職知吉州降侍御史知宣州
章頌爲比部員外郎監杭州酒稅淮南江浙荆湖制置發
運使禮部郎中蘇維甫知宣州權戶部判官工部郎中黃
翥旦知袁州權鹽鐵判官工部郎中孫元方知宿州周嘉
正知金州戶部判官度支員外郎上官儀知晉州金部員

外郎權磨勘司李直方和淄州並坐丁謂黨也 己卯降
工部員外郎直集賢院權判鹽鐵司院潘汝士知處州汝
士謹修子丁謂壻也殿中丞集賢校理知開封縣錢致光
落職監池州酒稅始丁謂知江寧致光爲府從事及謂入
相推爲館職知赤縣倚謂勢納賂謂敗并黜之先是女道
士劉德妙者嘗以巫師出入丁謂家謂敗逮繫德妙款伏
謂嘗敢言乃所爲不過巫事不若托老君言禍福足以動
人於是即謂家設神像夜燃於園中雷允恭數至請禱及
真宗崩引入禁中及因穿地得龜蛇令德妙持入內給言
出其冢山洞中乃復赦云上即問若所事何知爲老君第
云相公非凡人當知之謂又作二頌題曰混元皇帝賜德

妙語涉妖誕 辛卯再貶謂崖州司戶參軍結子並勒停
祀又坐與德妙姦除名配隸復州籍其家得四方賂遺不
可勝紀其弟誦說誅悉降黜仍以謂罪狀布告中外始謂
令宋綬革魁準青辭綬請其改謂曰春秋無將漢法不道
皆誣事也綬雖從謂旨然卒改易謂本語不純用及謂貶
綬又當制即草詞曰無將之戒舊典甚明不道之章常刑
罔赦朝論快焉謂初逐準京師謂之語曰欲得天下寧當
後眼中釘欲得天下好莫如召飛老不斗歲謂亦貶人皆
以爲報復之速天道安可証也謂竄崖州道出雷州準遣
人以一蒸羊逆之境上謂欲見準準拒絕之聞家僮謀欲
報仇巫杜門使縱博毋得出伺謂行遠乃罷 壬辰詔中

外臣條有曾與丁謂往來者一切不問時遣侍御史方謹
言籍謂家得士大夫書多干請關通者悉焚之不以聞世
稱其長者謹言莆田人也 十月己亥左諫議大夫集賢
院學士知泉州陳靖爲秘書監致仕靖雅善丁謂及謂貶
黨人皆逐提點刑獄侍御史王耿乃言靖老病無政事不
宜久爲鄉里官致有是命 十一月丁卯朔樞密使錢惟
演罷爲保大節度使知河陽初惟演見丁謂權盛附離之
與爲婚姻謂逐寇準惟演與有力焉及序樞密直學士題
名石獨刊去準名曰逆準削而不書謂禍萌惟演慮并得
罪遂擠謂以自解馮拯惡其爲人因言惟演以妹妻劉美
實太后姻家不可預政請出之乃出惟演爲鎮國留後即

日改今命 天聖元年三月戊戌太常博士丁誦大理寺
丞丁說閤門祇候丁誅並與在外監當皆謂之弟也 七
月己丑給事中集賢院學士冠域知鄧州初上封言域
與丁謂厚善故自成都代還持熟之 三年十二月癸亥
徙崖州司戶參軍丁謂爲雷州司戶參軍謂家寓洛陽嘗
爲書自克責叙國厚恩戒家人毋輒怨望遣人至西京留
守劉口祈付其家戒使者伺口會衆僚時達之口得書不
敢私即以聞上見之感測故有是命謂雅多智是猶出於
揣摩也宰相言謂天下不容其罪而竄之今不緣赦宥未
可以內從上曰謂斥海上已數年欲令生還猶未耳
魏泰序此事謬妄甚今不取張唐英所載差近之故正

史循用然謂必不敢上表特與其家人書耳唐英亦誤
五年十二月是歲南鄧肆赦中外以爲謂必還赦中侍御
史陳炎上疏曰亂常肆逆將而必誅左道懷奸有赦無赦
丁謂因緣險佞巧據公台賄賂苞苴盈於私室威權請謁
行彼公朝引巫師妖術厭魅官闈易神寢龍崗冀消王氣
今烟紫展禮渙汗推恩必慮謂潛輸琛寶私結要權假見
要荒冀移善地李德裕祇因明黨不復生還盧多遜曲事
王藩卒無牽復請更不原赦上然之八年十一月戊辰
南鄧十二月壬辰以雷州司戶參軍丁謂徙道州司戶
參軍口口始南鄧肆赦中外議謂必將內徙刑部員外郎
兼侍御史知雜事劉隨言彼擅移於陵域將不利於君親

只合取彼顛顛置諸郊廟殿中侍御史張暢言謂奸邪弄
國罪當死無可憐者且大臣竄逐本與天下棄之今復還
是違天下意由是止徙道州 明道元年十一月丙申詔
蘇州所沒丁謂庄田還給其家仍以其子前內殿承旨珣
爲供奉官 景祐四年閏四月光州言秘書監欽仕丁謂
卒王曾聞之語人曰斯人智數不可測在海外猶用詐得
還若不死數年未必不復用斯人復用則天下之不幸可
勝道哉吾非幸其死也

皇宋通鑑長編紀事本末卷第二十三

皇宋通鑑長編紀事本末卷第二十四

真宗皇帝

未能偽造天書

天禧三年三月入內副都知周懷政日侍內庭權任尤重
附會者頗衆往往言事獲從同輩位望居右者必排抑之
中外庫帑皆得專取多入其家性纖凡近酷信妖妄有未
能者本單州團練使田敏中所養性凶狡遂略其親信得
見因與親事卒姚斌等妄談神怪事以誘之懷政大惑援
引至御藥使領階州刺史俄至於終南山修道觀與殺直
劉益輩造符命託神靈言國家休咎或臧否大臣時魁準
鎮永興能爲巡檢賴準舊望欲責其事準性剛強好勝喜

其附已政依違之是月準奏天書降乾祐山中蓋能所爲也中外咸識其詐上獨不疑

劉放作寇準傳云未能獻天書上以問王旦旦曰始不信天書者寇準也今天書降準所當令準上之則百姓將大服乃使周懷政諭準準始不肯而準壻王曙居中與懷政善遂固要準乃從之按王旦死於天禧元年正月而準上天書乃三年三月放誤甚矣或歎若實爲此非旦也

夏四月辛卯脩儀仗至瓊林苑迎導天書入內太子右諭德魯宗道上疏畧曰天道福善禍淫不言示化人君政得其理則作福以報之失其道則出異以戒之又何有書哉

臣恐姦臣肆其誕妄以惑聖聽也知河陽孫奭上疏言朱
能者姦險小人偶應驅使驟爲牧伯皆由妄言祥瑞而陞
下崇信之屈至尊以迎拜掃秘殿以奉安上自朝廷下及
閭巷靡不痛心疾首反唇腹非無敢言者漢文成將軍以
帛書飯牛楊言牛腹中有奇書殺視得書天子識其手迹
又有五利將軍妄言方多不雜二人皆坐誅光帝時有侯
英陳利用以方術暴得寵用一日發其姦誅於鄭州漢武
可謂雄才先帝可謂英斷唐明皇得靈寶符上清瓊國經
寶篆皆王洪鍾同秀等所爲明皇不能顯戮休於邪說自
謂德實動天神必福我大老君聖人也倘貴降語固宜不
妄而唐自安史亂離乘輿播越而都盪覆四海沸騰豈天

下太平乎明皇雖僅得歸闕復爲李輔國叔達卒以餒終
豈聖壽无疆長生久視乎夫以明皇之英睿而禍患猥至
曾不知者良由在位既久驕亢成性謂人莫己若獨諫不
足聽心玩居常之安耳熟道諫之說內惑寵嬖外任奸回
曲奉鬼神過崇妖妄今日見老君於閭上明日見老君於
山中大臣尸祿以將迎端士畏威而緘默既惑左道即素
政經民心用離變起倉卒當此之時老君寧肯崇兵寶符
安能排難耶今未能所爲或類於此願陛下思漢武之雄
才法先帝之英斷鑒明皇之召亂庶災害不至禍亂不作
興又言天且無言安得有書天下皆知未能所爲獨陛下
一人不知耳乞新未能以謝天下上雖不聽然亦不罪興

也

與本傳載大且無言安得有書之對在祥符初恐悞也
移見祀汾陰前又見於此未能所獻天書其迎奉之禮
蓋不減祥符而國史實錄諱之遂不復詳載且夫其時
日按稽古錄於是年三月載飛準奏天書降乾祐山中
今用此爲據繫之三月末魯宗道孫與諫疏亦不得其
時因此附見國老閑談以宗道所諫爲指祥符則誤也
今追用之記聞載與諫語凡之正傳尤切直恐與不但
一疏今並載之可見光朝容直臣也按李維賢有賀天
書降兩表其一云四月四日迎奉入內其二云八月二
十四迎奉入內今並用此月日載之長編

壬寅召近臣詣真游殿朝拜大書 五月甲申寇準自永興來朝準將發其門生有勸準者曰公若至河陽稱疾堅求外補此為上策倘入見即發乾祐大書詐妄之事尚可全平主正直之名斯為次也最下則再入中書為宰相耳準不擇揖而起君子謂準之卒及於禍蓋自取也

此出湘山野錄其言有理攷取之

六月準持授行中書侍郎兼吏部尚書同中書門下平章事充景靈宮使集賢殿大學士 八月丁亥以大書再降於乾祐殿大赦天下常赦所不原者咸除之諸軍並與特支屯駐在外舊無例特支者皆給與賜乾祐縣民秋租十之五普度諸道釋童行廣南宮吏聽挈屬之治所制曰朕

寅奉丕基撫寧中宇慶靈積厚高明博臨受河洛之圖書
開聖真之鴻緒陳嘉牲於崇嘏沈瑄玉於隆灘順拜文罰
之壇恭薦饗瓊之板儲精淵妙敷化醕醑矧惟咸錫之臣
是爲神明之奧名山之內福地在焉載嚴曲密之都式佇
鴻濛之駕清心昭格璿極覽觀由茲鷄首之封薦錫龍綈
之檢諭朕以輔德成朕以愛民告臨降之先期述延洪之
景祐介子孫於千億保函夏於太寧而又瞻顧皇儲繼頒
寶命昭其仁孝之至示以報命之祥齋莊載披揚厲彌至
考諸冊牒允謂殊尤昔燧皇握機但有蒼渠之刻虞舜負
衆止觀河渚之文豈若祚我菲躬慶及元嗣膺茲繁祉實
茂皇圖思與萬邦共均純嘏仰荅高明之貺用推肆音之

恩

郊恩密邇忽降大赦蓋以乾祐天書再降故也及周懷
政未能等賊史官諱之遂改易制辭自恭薦鏐璣之板
以下但云迨茲二紀馴致小康邦本既寧天休允集顧
惟陰陽異獨在于思與萬邦共膺純嘏遂大赦天下臣
燾初讀實錄國史固疑此赦之必有所爲也檢會要云
以天書而赦文殊不及之因令口諸州赦文所編錄建
隆以來赦文內尋出全本則其辭蓋昭然且未能等僞
造天書實錄正文皆畧之惟此制辭差詳恐其亡逸而
特著於此原文官所以深諱者爲過舉也過而能改善
莫大焉此尤可見真宗之盛德矣若乃末殺其事竄改

其辭使後人漫不可曉既夫史官之職又沒帝王改過之善臣素所不敢從也此會要乃三朝會要今五朝會要已改云以天下小康致隆赦蓋從史也孫奭等陳疏或在此赦後然三月末已載之不便遷改且大書賈再降則奭等於初降即上陳疏亦不可知爾

戊申自瓊林苑迎奉天書入內 四年六月準罷政事爲太子太傅萊國公以奏請太子監國丁謂等力譖之也七月甲戌周懷政謀奉帝爲太上皇傳位太子事敗伏誅謂等并發未能所獻天書故妄事亟遣入內供奉官盧守明鄧文慶馳驛詣永興軍捕能及其黨乾祐觀主王先道士張用和殿直劉益借職李貴康王殿侍唐信徐原並免

死黥面配儋梅高崖雷瓊萬安循州 朱能父左武衛將軍政仕甥母周氏贖銅百斤并其子守昱守吉分配邵旅道州甯崖沒官與甥往來結社人悉決配諸州自餘親事卒懷政僕使決杖分配海島遠州 丁丑太子太傅魁準降授太常卿知相州并見丁瑀事迹八月辛巳入內供奉官譚元吉高品王德信決杖配唐州高班胡元則黃門楊元文決杖配西京坐當受命乾祐縣與周懷政協同妖妄故也元吉尋黥面配賓州朱能聞使者至自度不免衣甲以出殺盧守明帥所部兵挈家屬叛逸永興軍奏其事詔遣內殿承旨江德明入內供奉官於德潤乘驛發兵捕之應能黨與分配嶺表者所至禁繫別埃朝旨能求清勢窮

感入桑林自縊死求興乾耀都巡檢供奉官李興牢城十
將張順斷能及其子首以獻補興閤門祗候順本城都頭
興順還官實在一月甲寅今并書之

壬寅太常卿知安州寇準坐未能叛再貶道州司馬 甲
辰入內押班鄭志誠嘗納未能音問及被獲表章有請大
子親政之辭令右諭德魯永道御史劉平鞠問削兩任配
隸房州 九月丙辰詔劉益康王徐原等十一人並活釘
令衆三日訖斷其手足具五刑處死王先李貴並斷手足
處斬唐信八人並處斬又忠院畫匠軍士百姓十五人並
免死杖脊黥面配沙門島及廣南牢城未能僕使及道士
軍士十二人並杖脊黥面配江湖福建牢城能弟文顯免

杖黥面配鄆州牢城初能將擇日打制使文顯潛以告知
府朱吳等故至是復用輕典能妻高母李弟婦陳洵女僕
家僮十二人並決杖分配湖南京東西州軍能子仲敷以
幼不勝杖黥面配澧州牢城聽隨母之配所時命殿中侍
御史王博文與內臣岑守素等乘傳詣永興按劾具獄以
聞而降是詔初遣博文人謂連逮者必求博文唯治首惡
脅從者皆爲請得以減論 壬戌知永興軍府朱吳陝西
轉運使梅詢並削一任吳爲護國節度使詢爲懷州團練
使並不署州事本軍通判幕職官並贖銅釋罪吳等當薦
舉朱能及不察姦害妄致害制使故責之知鳳翔府臧大
圭贖銅二十斤通判葦州坐與能交結也軍士封進鳳翔

府孔目官朱日昌等八人皆能常從預為矯妄者並決杖
分配海島遠郡牢城乾祐如縣蒲城長安為年乾祐薄尉
並坐削絀

周懷政陰謀發立

天禧四年七月甲戌昭宣使英州團練使入內副都知周
懷政伏誅大中祥符末上始得疾是歲仲春所苦浸劇自
疑不起嘗卧枕懷政股與之謀欲命太子監國懷政竇典
左右春坊事出告趙準準遂請間建議亟令楊億草奏已
而事泄準罷相已丁謂事實丁謂等因誅斥懷政使不親
近然以上及太子故未即顯加黜責懷政憂懼不自安陰
謀殺謂等復相準奉帝為太上皇傳位太子而廢皇后與

其弟懷賓副使懷信潛召客省使楊崇勳內殿承制楊懷
吉問門祇候楊懷玉議其事期以二十五日竊發前一夕
崇勳懷吉悉詣謂第告變謂中夜微服乘婦人車過曹利
用計之及明利用入奏於崇政殿懷政時在殿東廡即令
衛士執之

懷政本傳云上姑務含容不忍斥其過然漸疎遠之懷
政憂懼時使小黃門自禁中出詐稱宣召入內東門坐
別室久之而出以欺同輩竊錄亦云然收懷政時實在
崇政殿東廡則其出入禁中固自如也但丁謂等多爲
之防使懷政罕得見上耳蓋未有疎遠懷政意也本傳
又云上怒甚而竊錄無此疑本傳飾說今不取

詔宣徽北院使曹瑋與崇勲就御藥院鞠訊不數刻具引
伏上坐承明殿臨問懷政但祈哀而已命載以車赴城西
普安佛寺斬之謂等并發未能所獻天書妖妄事詳見未
能偽造天書懷政父內殿承制紹忠及懷信並決杖配復
岳州子妖勒停賢盛沒官懷政之未敗也紹忠嘗詒之曰
斫頭聖子終累及我懷信又嘗謂懷政曰兄天書事必敗
當早請上首靈庶獲輕典及謀作亂又號泣伏拜而止之
皆不聽故皆得免死焉自餘親事卒懷政僕使決杖分配
海島遠州

記聞載懷政以二月二日懷小刀對上自割上因是疾
復作皇后命收懷政下獄并於宮中得萊公奏言傳位

事乃命楊崇勳告變誅懷政既萊公按懷政誅在七月
萊公罷在六月若懷政於仲春爲此則萊公不待夏末
始罷懷政至秋初乃誅也然真宗實以仲春疾益甚不
知緣何事耳記聞必誤今不取

丁丑太子太傅冠準降授太常卿知相州翰林學士盛度
樞密直學士王曙並落職度知光州曙知汝州皆坐與司
懷政交通也是日以客省使英州防禦使楊崇勳爲鄆州
觀察使內殿承制楊懷吉爲如京使並賜金帶及金銀降
詔褒獎供奉官京城西面巡檢楊懷玉既與崇勳等預周
懷政議崇勳告變之盟日始詣樞密院白陳致貴之
八月辛巳楊崇勳爲內客省使領桂州觀察使兼羣牧使崇

勲累辭鄧州之命改改任焉 丙午入內供奉官石承慶
剛兩任配隸宿州先是周懷政嘗遣人召承慶欲有所議
夜二鼓不下皇城門輪以待之上遣黃守忠開太寧
祥符東華傳詔許王宮至則門不閉見承慶將入守忠輒
知其故戒令勿入於是門司不復納承慶守忠畏懷政不
敢言至是以聞鞠承慶而責之 明道二年十一月甲戌
贈左驍驍使英州團練使周懷政安國節度使以其弟子
右內率府副率宿州安置懷吉爲禮賓副使 景祐元年
九月辛酉河陽三城節度使同平章事判陳州楊崇勲降
落平章事知壽州崇勲子閤門祇候宗說監濟州稅先是
內侍押班周懷信言元懷政天禧中給侍東宮最處親信

其臣謀危皇嗣懷政心憤議除險黨爲崇勲及楊懷吉誣
告被誅今懷吉雖死而崇勲尚居將相又乞正其事以慰
幽魂故有是命懷吉弟供脩庫使懷志子閤門祇候永孚
入內高班承德入內黃門永成永達並坐降

雷允恭愼易皇堂

大禧五年四月丁未以內殿崇班雷允恭爲皇太子宫都
監同管勾資善堂左右春坊司事 乾興元年二月戊午
真宗崩仁宗即皇帝位 庚申命軍臣丁謂爲山陵使丁
謂潛結雷允恭使白太后卒行其意詳見丁謂事迹六月
庚中西京作坊使普州刺史入內押班雷允恭伏誅允恭
既與丁謂交結謂深德之允恭倚謂勢日益驕恣無所憚

始宦官以山陵事多在外允恭獨留不遣自請於太后太后不許允恭泣曰臣遭遇先帝不在人後而獨不得效力於陵上敢請罪太后曰吾非敢有靳於汝也顧汝少而寵幸不歷外任今官品已高近下差遣難以使汝若近上名目汝不知法禁長有舉動適爲汝累允恭泣告不已時按行使副及修奉都監既受命踰司矣乃特命允恭與張景宗同官勾山陵一行事三月乙亥允恭馳至陵下判司大監邢中和爲允恭言今山陵上百步法宜于孫類汝州秦王墳允恭曰如此何不用中和曰恐下有石若水耳允恭曰先帝獨有上無他子若如秦王墳當即用之中和曰山陵事重祗行復驗時日淹久恐不及七月之期允恭曰

弟移就上穴我走馬入見太后言之安有不從允恭素奇
橫衆莫敢違即改穿上穴及允恭入白於太后太后曰此
大事何輕易如此允恭曰使先帝宜子孫何爲不可太后
意不然之曰出與山陵使議可否允恭見謂具道所以謂
亦知不可而重逆允恭意無所可否唯唯而已允恭不得
謂決語入班太后曰山陵使無異議矣既而上穴果有石
石盡水出工役甚艱衆議藉藉步軍副都指揮使戚繼節
度使黃守忠爲修奉山陵部署懼不能成功中作而罷奏
以待命時五月辛卯也謂死允恭猶欲違就成之不敢以
實聞 癸巳入內供奉官毛昌達還自陵下具奏其事太
后即使問謂謂始復遣按行使監繼宗副使王繼宗往參

定乙未太后又遣內侍押班楊懷玉與繼宗等俱內中又
遣入內供奉官羅崇勳右侍禁閤門祗候李維新就鞏縣
劾允恭罪狀以聞允恭欲自持所畫山陵圖入奏詔不許
是月辛丑又遣內殿承制馬仁俊同鞠允恭癸卯又遣龍
圖閣直學士權知開封府呂夷簡龍圖閣直學士兼侍讀
魯宗道入內押班奉保正入內供奉官任可志復視主堂
既而咸請復用舊穴乃詔輔臣會謂第議明日特命王曾
再往復視并祭告謂請候曾還與衆議不異始復役詔復
役如初惟主堂須議定乃修築曾卒從衆議允恭坐擅移
主堂并盜庫金三千一百一十兩銀四千六百三十兩錦
帛一千八百疋珠四萬三千六百顆玉五十六兩及常進

皇堂卑帶一藥金七十兩又坐當令取玉帶賜輔臣而竊
取其三於是杖死於軍縣籍其家弟侍禁寄班祗候允中
決配柳州編管邢中和貸命決配沙門島坐決配者又十
七人

仁宗實錄允恭附傳云允恭日益驕橫太后惡而疏之
故遣修陵城廕道按龍川別志乃允恭力請行太后始
命之又按太祖太宗山陵除五使乃按行使副修奉都
監部署外即未嘗別除同勾管一行事今特以命張景
宗允恭蓋寵之也決非疏惡別志當得其實但誤以
勾管勾一行事爲都監耳都監乃盧守慤與按行使副相
繼受命在勾日前矣兩朝志丁謂傳亦以允恭爲都監

昏誤也別志又云王曾獨對太后乃知其事亟命官按劾亦恐失實蓋事發當自毛昌達始曾既復視還因言謂包藏禍心致容允恭擅易皇堂太后入其言謂果得罪謂得罪實曾發之發擅易皇堂事則非曾也

初丁謂與雷允恭協比專恣內挾太后同列無如之何允恭既下獄王曾欲以山陵事并去謂而未得間一日語同列曰曾無子將以弟之子爲後明日朝退當留白此謂不疑曾有異志也曾獨對具言謂包藏禍心故令允恭擅移皇堂於絕地太后始大驚謂徐聞之力辯於簾前未退內侍忽捲簾曰相公誰與語罵起久矣謂皇恐不知所爲以笏叩頭而出 癸亥輔臣會食資善堂謂獨不與知得罪

顧良請錢惟演遂曰當致力無大憂也馮拯熟視惟演惟
演蹴踏及對承明殿太后瑜拯等曰丁謂身爲宰相乃與
雷允恭交通因出謂嘗批允恭令後苑匠所造金酒器等
示之又出允恭嘗干請求管勾皇城司及三司衛司狀示
之因曰謂前附允恭奏事嘗言曰與卿等議定政皆可其
奏近方識其矯誣且營奉先帝陵寢所宜盡心而擅有違
易幾悞大事拯等奏曰自先帝登遐政事皆謂與允恭同
議稱得旨禁中臣等莫辨虛實賴聖神察其姦此宗社之
福也太后怒甚欲誅謂拯進曰謂固有罪然帝新即位誅
大臣駭天下耳目謂豈有逆謀哉第夫泰山陵事耳太后
稍解令拯等即殿虛議降絀之命任中正言謂被先帝顧

此雖有罪請如律議功曹曰謂以不忠得罪宗廟尚何議
耶乃責爲太子少保分司西京

皇宋通鑑長編紀事本末卷第二十四